

GJALDSKRÁ

fyrir vatnsveitu Mýrdalshrepps.

1. gr.

Vatnsgjald.

Árlega skal greiða vatnsgjald af öllum fasteignum á veitusvæði Mýrdalshrepps sem tengdar hafa verið vatnsveitu sveitarfélagsins.

Vatnsgjald íbúðarhúsnæðis og lóða er kr. 55.000 pr. íbúð.

Vatnsgjald annarra mannvirkja og lóða en getið er í 2. mgr. þessarar greinar sem tengt er vatnsveitu skiptist í grunn gjald sem er 55.000 kr. og notkunargjald.

Heimilt er að loka fyrir heimæða hjá þeim sem eru staðnir að sóun vatns og sírennsli er bannað. Tenging við vatnsveitu Mýrdalshrepps án leyfis er með öllu óheimil.

2. gr.

Notkunargjald.

Í fyrirtækjum og annars staðar þar sem vatn er notað til annars en venjulegra heimilisþarfa, skal auk vatnsgjalds, greiða sérstakt notkunargjald kr. 50 pr. m³ samkvæmt rennismæli sem sveitarfélagið á og rekur.

3. gr.

Mælaleiga.

Fyrir rennismæla skal greidd árleg mælaleiga eftir stærð mælis sem hér segir:

32 mm	21.649 kr.
40 mm	25.852 kr.
50 mm	34.511 kr.
63 mm	68.895 kr.
75 mm	91.308 kr.
90 mm	129.258 kr.
110 mm	158.765 kr.

4. gr.

Heimæðargjald.

Þeir sem óska eftir að tengjast aðal- eða dreifiðum veitunnar greiða heimæðargjald. Gjaldskráin miðast við að ídráttarrör fyrir heimæð hafi verið lagt á frostfríu dýpi frá tengistað vatnsveitunnar við lóðarmörk, að inntaksstað mannvirkis og að lega og frágangur ídráttarrörsins hafi verið tekin út og samþykkt af starfsmönnum sveitarfélagsins.

Lágmarksheimæðargjald er 410.059 kr. miðað við 32 mm þvermál rörs og allt að 25 metra lengd heimæðar. Heimæðargjald hækkar í samræmi við aukinn sverleika og/eða lengd heimæðar sem hér segir:

Þvermál rörs	Lágmarksgjald	Verð á m umfram 25 m
32 mm	410.059 kr.	4.330 kr.
40 mm	450.811 kr.	4.966 kr.
50 mm	492.835 kr.	5.730 kr.
63 mm	553.962 kr.	6.749 kr.
75 mm	636.738 kr.	8.022 kr.
90 mm	697.865 kr.	9.169 kr.

Fyrir heimæðar víðari en 90 mm greiðist skv. reikningi þó aldrei minna en 800.000 kr.

Ef heimæð er lengri en 250 metrar skal samið sérstaklega um heimæðargjald áður en til framkvæmda kemur. Við sérstakar aðstæður, s.s. vegna frosts í jörðu og sprengingar eða fleygunar á klöpp, skal greitt sérstakt álag allt að 25% sem leggst ofan á heimæðargjald.

Heimæðargjald breytist 1. janúar ár hvert í samræmi við breytingu byggingarvísitölu. Ofangreint verð tekur mið af vísitölu byggingarkostnaðar sem tók gildi 31. október 2024 og var 121 stig.

5. gr.

Kostnaðarþátttaka vegna vatnsæða.

Í þeim tilfellum þegar um er að ræða ósk um tengjast veitunni á svæðum þar sem aðal- eða dreifiaðar eru ekki til staðar eða aðstæður óvenjulegar þá skal semja um kostnaðarskiptingu vegna lagningar þeirra áður en til framkvæmda kemur.

6. gr.

Gjalddagar og greiðsluskilmálar.

Gjalddagi heimðargjalds er við úthlutun lóðar sem er í eigu Mýrdalshrepps eða sem sveitarfélagið hefur ráðstöfunarrétt yfir, eða við útgáfu byggingarleyfis/byggingaráforma á öðrum lóðum.

Gjalddagar vatnsgjalds eru hinir sömu og ákveðnir eru fyrir fasteignagjöld og skal innheimtu hagað á sama hátt og innheimtu fasteignagjalda.

Notkunargjald er innheimt einu sinni á ári og tekur mið af mældri notkun ársins þar áður skv. mælalestri sem framkvæmdur er ár hvert.

Skráður eigandi fasteignar ber ábyrgð á greiðslu vatnsgjalds, heimðargjalds og greiðslu notkunargjalds. Gjöldin, ásamt vöxtum og áföllnum kostnaði, nýtur lögveðsréttar í fasteign eiganda næstu 2 ár eftir gjalddaga, með forgangsrétti fyrir hvers konar samningsveði og aðfaraveði.

Heimilt er að loka fyrir heimæðar hjá þeim sem vanrækja að greiða notkunargjald að undan-genginni skriflegri aðvörun.

Notkunargjald og leigugjald fyrir mæli ásamt áföllnum kostnaði og vöxtum er heimilt að taka fjárnámi.

Heimilt er að stöðva vatnssölu til þeirra er vanrækja viðhald vatnslagna innanhúss og eru staðnir að soun vatns.

7. gr.

Gjaldtökuheimild og breytingar á fjárhæð gjalda.

Gjaldskrá þessi er sett í samræmi við lög um vatnsveitur sveitarfélaga nr. 32/2004, og reglugerð um vatnsveitur sveitarfélaga nr. 401/2005 og öðlast gildi 1. janúar 2025.

Jafnframt fellur úr gildi gjaldskrá sama efnis nr. 594/2012.

Samþykkt í sveitarstjórn Mýrdalshrepps 14. nóvember 2024.

Vík, 15. nóvember 2024.

Einar Freyr Elínarson sveitarstjóri.